



Anthon Frederiksen
Inatsisartuni ilaasortaq

Greenland Petroleum Services A/S allanillu kiffartuussinissamik isumaqatigiisumut tunngatillugu apeqquut nr. 100-miittunik § 37-mut tunngasunik akissutit

23. april 2015
Sagsnr. 2015-110498
Dok. Nr. 1937133

Inatsisartut suleriaasianni § 37, imm. 1 malillugu Greenland Petroleum Services A/S allanillu kiffartuussinissamik isumaqatigiisumut tunngatillugu Naalakkersuisunut makuninnga apeqquteqarsimavutit. Apeqqutit suliasaqarfigisannit akineqarnissaat innersuutigineqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

- 1. Ilumoorpa Namminersorlutik Oqartussat Greenland Petroleum Services aatsitassarsiornermi aamma uuliasiornermut tunngasunik pikkorissaanissaanik isumaqatigiissuteqarfigisimagaat? Suliffeqarfiit allat unammillernissamut periarfissinnagit?**

Akissut:
Naagga, tamanna eqqunngilaq.

Tamanut ammasutut neqeroortitsissutissatut kiffartuussinissamik isumaqatigiisut Namminersorlutik Oqartussat neqeroorutigaat. Taamaallitut suliasamat neqerooruteqarnissaminnut suliffeqarfiit soqutiginnittut tamarmik periarfissaqarsimapput. Tamanut ammasutut neqeroortitsinerup kingornatigut Greenland Petroleum Services A/S-imit siulersorneqartumik suliffeqarfissuarmik Namminersorlutik Oqartussat isumaqatigiisummik atsiugaqarput. Suliffeqarfissuarmi ajugaasumi peqataasut sinneri tassaapput Copenhagen Group A/S aamma Kisserup International Trade Roots Inc.

Neqeroorutininik allanik qinigassaqaarsimavoq, neqeroortitsinermili atortussiani najoqqutassat nassuiakkat aallaavigalugit tamakkiisumik nalilersuisoqarneratigut suliffeqarfissuaq ajugaasoq piumaneqarnerusimavoq.

- 2. Apeqquut 1-imi apeqquut ilumoorsimappat sooq tamanut ammasumik neqeroortitsisoqarsimangila?**

Akissut:
Apeqquut 1 ilumuunngilaq. Tamanut ammasumik neqeroortitsisoqarsimavoq.

3. Apeqquut 1-imi apeqquut ilumoorsimappat isumaqatigiissut qanoq imaqarpa aamma qanoq aningaasannorlugu naleqarpa?

Akissut:

Apeqquut 1 ilumuunngilaq.

Isumaqatigiissummi aningaasat ukiumoortumik 4 mio. kr.-upput, aningaasanullu inatsimmi, konto pingaarneq 64.10.17-imi najoqqutaqarput.

Kiffartuussinissamik isumaqatigiissut aatsitassarsiornermik suliffiusumut pilersuisooqataasinnaaneq immikkut sammisaralugu suliffeqarfinnut mikisunut akunnattumillu angissusilinnut piginnaangorsaanermik ingerlassap naammassineqartarnissaanut tunngasuvoq. 2015-imi suliffeqarfiit peqataasut ISO-9001-imek uppernarsaateqartilersinnaanissaat sammineqartuuvooq.

4. Isumaqatigiissut ukiunut qassinut atuuttussannorlugu qanoq imaqarpa?

Akissut:

Isumaqatigiissut 2014-imek 2015-imek tunngasuusoq ilisimatitsissutigineqarsinnaavoq. Isumaqatigiissut 2012-2013-imek assingusumik iliuuserisap nanginneraa, ukiuni taakkunani kiffartuussinissamik isumaqatigiissummik suliffeqarfissuaq alla isumaqatigiissuteqarfiusimalluni.

5. Isumaqatigiissut atuutsilersinneqarsimappat kikkut qassillu maannamut pikkorissartinneqarsimappat?

Akissut:

Ukiuq	Pikkorissartitsinerit tamarmik katillugit	Peqataasut tamarmik katillugit
2012	9	338
2013	27	287
2014	28	223

Nalunaarsuut:
2012-imek
suliaqarneq

pingaarnertut tassaavoq ilisimatitsinerimik ataatsimiisitsinerit.

6. Pikkorissartitsinerni angusat naammaginarpat? Aamma aningaasartaannut naapertuuppat?

Akissut:

Isumaqatigiiffiusumi siullermit (2012-2013, suliffeqarfissuarmik allamik) aammalu isumaqatigiiffiusup aappaani (2014-2015) iliuuserisamik nalilersuinerit ingerlanneqartuarsimapput. Nalilersuinerit taakku suliffeqarfinni peqataasunit annertuupilussuarmik naammaginnittoqarneranik takutitsuarsimapput.

Kiffartuussinissamik isumaqatigiissutini aningaasaqarnermut tunngatillugu tamanna isumaqatigiissummik piginnittup aamma Inuussutissarsionermut, Suliffeqarnermut Niuernermullu Naalakkersuisoqarfiup akornanni oqaloqatigiissutaajuartuuvoq, aningaasnut inatsimmi aningaasaqarnikkut sinaakkutaatitamut sapinngisamik nunatsinni inuussutissarsiorfik annertunerpaamik qulakkeerniarneqarluni.

7. Isumaqatigiissut sumi takuneqarsinnaava?

Akissut:

Namminersorlutik Oqartussat aamma Greenland Petroleum Services A/S-ip akornanni siunnersuinissamik isumaqatigiissut internetimi pissarsiarineqarsinnaanngilaq.

Inussiarnersumik inuulluaqqusillunga



Vittus Qujaukitsoq